



deli 得力集团有限公司  
No. 6230  
No. 02260122







161021













讀書堂綵衣全集





讀書堂綵衣全集

河陽趙士麟玉峰父著

施發甲校

受業趙嗣葉輯

男宸黼編

卷二十八

北征詩 四十九首

向方樹梅收賸





北征草



北征草

自序

僕世居滇省家在河陽幸與計偕得觀光於上國  
謬蒙勸駕因卜吉於良時幼設桑弧敢作懷鄉之  
戀戀長依萱草能無陟屺之依依攬轡河梁將登  
大道驅車井里適屆小春睹嶺上之梅花祇增別  
緒盼天邊之雁影益壯豪遊始自黔而入荆復由  
洛而趨冀塗經萬里皆名山大川之邦時屆三冬  
正淒風落葉之候珍禽異獸伯益之所未收峻嶺  
危溪道元之所失載莫不騁奇足底炫異目前至



於古剎精藍燦爛雲霞之色兼之秦碑漢篆琳瑯  
金玉之書洵足婆娑能忘題詠欲抽不律以布赫  
蹠但上下陂陀未便據鞍而作賦况追隨鞭鐙寧  
能彈鋏以成歌惟是暮鼓初嚴晨雞漸唱望寒燈  
之在壁抱膝微吟趁濁酒之猶溫披衣疾草藏之  
遊篋遂爾盈囊韻叶四聲多在秣馬脂車之際墨  
翻兩袖無非曉風殘月之餘昔者杜陵之篇寄牢  
籠於天地張說之作資藻麗於江山以此相推則  
吾豈敢然而程途悉載可無假於指南且也沿革  
都詳庶不勞於問渡彙風俗於寸楮朗若列眉收

山川於一囊燦如指掌執此而非足當祿閣油素



都詳庶不勞於問渡彙風俗於寸楮朗若列眉收  
山川於一囊燦如指掌執此而非足當祿閣油素  
之書挈之以南不假眉山輿圖之記傳諸好事堪  
佐臥遊若夫途鮮世南矢參稽於秘笈交非元宴  
懶乞序於名流此則迂疎使然勿以寡陋見斥也

峇

康熙三年歲次甲辰清和仙湖趙士麟題於燕山  
旅次





癸卯孟冬余自河陽抵會城公車北上彙錄途



癸卯孟冬余自河陽抵會城公車北上彙錄途  
次所經附以題詠顏如右焉

出門

驅車出郭門曖曖晨熹起親友詣河梁殷勤酌酒  
醴豈不懷倚閭致身親所喜滇南氣候暄凌寒媚

桃李振衣上高岡萬里從茲始

雲南古滇國彩雲見南中故名禹貢華陽黑水  
惟梁州是也金馬毓靈碧雞紀瑞山川明秀風  
土溫和數百年來教養聲名文物之盛埒於南  
中時人呼為小江南非復舊志所紀載採風者  
猶撫拾百濮爨道陳言而樂道之徒泥古而不  
識今陋矣歸化寺寺有杉二行左右共十一  
株高有四五丈大可七尺許蒼古森秀蘭若亦  
潔雅板橋驛亂石嶙峋奇甚東龍泉觀一水而



分爲二見郡志

### 自歸化寺至板橋驛

我來歸化寺東西古杉植以策細數之盈十又餘  
一森秀撲鬚眉簷宇亦修飾流連日將徂僕夫促  
之出行行至板橋亂石何繡錯驛東兩龍湫昏黑  
不能測據枕夢精藍霜月穿林薄

板橋驛三十三里渾水驛本縣名後改有湖百餘里即楊林驛接嵩明州謂之嘉利澤茭草映水白鷺群飛漁舟搖漾水瀟湖外山連雲如城郭產魚美甲滇池子園五里河村射隰中經大鼎山登準提閣可望秀嵩湖

### 楊林湖

白鷺青鳧掠小橋楊林湖畔見輕舫雖非丙穴魚



楊林湖

白鷺青鳧掠小橋楊林湖畔見輕舫雖非丙穴魚

偏美急取青蚨佐火堯

火堯即燒酒鄉人隱語

準提閣

高閣清虛四望開漁舟蕩槳出沙隈荒山蕭瑟惟

羈旅千頃湖光撲面來

易隆關五里嶺俗傳關壯繆少子有武侯祠祠外  
松一株大四圍高五丈色白盤互天矯如龍西  
南一株大半之武侯昔會盟其下蓋千餘年物  
也計石橋有高山流水四大字仁里白塔舖三橋  
隆州馬為漢益州郡地

謁武侯祠

嶺上行祠接絳霄武侯當日駐征輶會盟自是與



王業帶礪思同率土朝遺廟時聞金鼓震孤忠化  
作玉鱗飄吳宮魏闕成灰燼此地烝嘗永不祧

白松

祠外蒼巖漢二松亭亭玉立鎖芙蓉千年冰雪藏  
鱗爪天矯盤空似臥龍

青石橋

書法遙看徑寸溪橋邊策馬特相尋鍾期去後誰  
能賞流水淙淙漱玉琴

黃坡謠

彝人喜和歌歌合兩相可贈以野薑花荅以老米

果



彝人喜和歌歌合兩相可贈以野薑花荅以老米

果

其二

山遺羅漢果地產救軍糧蠻方多佞佛蠻奴多恃

强

馬龍三十舖里響水舖交水村裡舊有縣川平可走  
車輪交水下流為交水謂合盤江蠓溪而合之  
也白水驛阿幢橋有道達曲靖府

白水驛

微霜山轉秀可作畫圖看石怪錯如趾松深高及

肩黑風山嶺名吹落木白水映晴川聞說前途峻今

宵且縱眠



白水驛三十九里灑瀾洞一作青洞口懸崖可十丈餘皆蹙石作海濤紋中垂石若柱傍豁兩門面溪流中宵深炬火入之有浮圖龍象芝朶雲英諸物皆石乳融成入三十步聞水聲不可進一彝鯉平即多羅衛也地至此平彝故名曰澗鯉勝與貴州接界十里亦資孔

### 清溪洞

巨靈何年闢此宅懸崖蹴浪高百尺仰面蛇行未  
 易探側身猿掛不容掖以火燭之心始驚虎豹縱  
 橫蛟龍搏更有仙佛乘雲濤香幢華蓋紛絡繹徐  
 視方知石結成巖竇涓涓凝玉液再進泥濘不可  
 行惟聞足下泉聲溢清溪洞可棲真在人境鮮囂  
 塵但恐他日驅車過風雨迷離難問津

### 題滇南勝境



塵但恐他日驅車過風雨迷離難問津

### 題滇南勝境

天開勝景彩雲生金碧由來獨擅名唐代車書通  
詔外漢家臺沼倣昆明四時花柳無寒燠萬戶桑  
麻絕戰爭此去漸看萱舍遠登高陟屺不勝情

亦資孔過雲南坡十二里梅子鋪經鸚哥嘴有  
鸚鵡寺懸崖千尺下臨絕壑兩峰橫出如翼十二  
里普化縣三十一里舊普安舖  
里阮橋哨三十一里新舖

### 雲南坡

地今接貴筑坡尚屬滇名路入羊腸曲雲從馬首  
生三溪環似帶一嶺屹如城來往多苗種荆榛勝  
履平



鸚鵡寺

襍被到盤州

普安舊名

松林一徑幽途經鸚鵡寺心繞

鳳凰樓梵唄清塵夢風霜點客裘曼公知遠適欵

我且遲留

新興上芭蕉關牛三場哩今設驛西坡長十五里險峭十五里老鴉關道傍列鳥道千重四字軍飲馬池有甘泉聖蹟碑南二衛安

芭蕉關

九峰東去是芭蕉毒草侵人未易消鳥道千重天

欲暮不關風雨亦蕭蕭

關將軍飲馬池

微波蕩漾欲生漪傳是將軍飲馬池徼外至今露



關將軍飲馬池

微波蕩漾欲生漪傳是將軍飲馬池  
徼外至今露德澤行人翹首望豐碑

安南道中和何大復韻

歷盡重關險遙聞近縣鐘山高猿倒臥  
徑窄鳥難通曉日葵調馬冬崖民割蜂  
果然百里內寒燠不

相同

安南過海馬關有海馬洞常產名駒保針鏹今設驛江哩盤上有鐵鎖橋長八十餘步江兩岸崖如削水為石束澎湃作怒聲色若膠漆鎖穿石壁左右相維然後附木為橋鎮以巨石施欄楯覆板屋塗以丹藤輪奐可觀南非有門司啟閉實滇黔之咽喉也名人題碣甚多

海馬洞



何必渥洼去名駒此地聞千金傳買駿三日定超  
群洞石蒸雲出泉清裂石芬孫陽今世少衆自識  
龍文

鐵鎖橋

帝王御宇運奇策旋轉乾坤佐開闢伐山鞭石塞  
洪流勾芒海若任驅役君不見盤江束峽不得行  
波流險惡心魂驚黝如漆今濃如膠飛鳥過之盡  
寂聲唐末曾聞遣閭左鑿崖跨江懸鐵鎖覆以巨  
石架虹梁車牛擔負免飄墮

皇朝定鼎命重修圓絙長條貫復鈎上施屋宇下欄檻

洞門盤啟通咽喉



皇朝定鼎命重修圓絙長條貫復鈎上施屋宇下欄檻

洞門盤啟通咽喉

天子威靈百神護滾滾江流今坦路乃知蠶叢命五丁

斷鼉斬兕傳非誤憶昔段蒙據此邦灰飛煙滅旋

銷亡在德從來不在險後人慎勿徒披猖

盤江過白雲嶺經竹林坡歷梅子關卽永寧州俗名頂站十二十里關索嶺舖白雲嶺雲氣瀰漫不辨咫尺日光遙映成銀海世界

### 白雲嶺

嶺上多白雲雲深陸成海始訝玉山頽復疑水柱

解冥冥車馬迷靛靛衣裳灑日色隱高春蒼茫失

真宰



竹林坡

霜後檀欒落葉深  
幾家煙火出松陰  
荒村孤客難尋醉  
此地空傳是竹林

梅子關

梅子關前雲影遮  
行人望遠盡思家  
臨風何處吹羌笛  
一夜飄殘萬樹花

永寧

萬仞崇岡一徑懸  
攀龍挽象黨青天

嶺前有安龍  
箐永寧有象

鼻山行忽見水輪起  
半入黔江半入滇

嶺關索嶺有關索廟  
凡四十三盤至嶺  
南北關嶺未有踰  
於此者見滇程記  
嶺半有壯繆祠馬  
跑

井啞泉祠前竹大  
如椽葉潤如掌長  
三尺高十餘丈名  
孝竹五里雞松繡  
至望水亭河懸注  
三



關索嶺有關索廟凡四十三盤至嶺南北關嶺  
未有踰於此者見滇程記嶺半有壯繆祠馬跑

井啞泉祠前竹大如椽葉潤如掌長三尺高十  
餘丈名孝竹五入里雞松繡至望水亭河懸注三  
十丈噴沫濺雪如匹練倒垂雲氣時時起水面  
其下爲兜牛潭每晴日有五色霞起若虹對輝  
坡

### 題關索嶺

峒巽孤嶂鎖咽喉奕世歌思廟貌修父子雄風傳  
六詔君臣魚水播千秋祠同伏臘黔山接地壓烏  
蒙漢日浮正史當年俱失載仲謀終自愧箕裘

### 雞公背

昨登象鼻岼

見楊升菴詩

今上雞公背雲中一聲鳴滿

山散青靄



犀牛潭

百頃流泉一水涵奔雷飛雪下層嵐玉龍倒掣犀

牛出又見紅霞起碧潭

安莊今鎮寧州也楊家橋二馬場舖二普寧里即安  
 順府出革器陸離滿市皆盤盃盆壺棋局障泥  
 之屬野中俚過鏹飛來石佛平壩甌有喜客泉抵蘆  
 荻哨望西山一帶如芙蓉萬朶鋒銳插天野  
 巖巖清澗明指揮劉世爵宅有玩畧堂相傳建  
 文遜跡過此為之書扁去衛西二里有洞涯石  
 變幻望之如雲或如靈芝如蓓蕾如璣衡如疑  
 露如蜂房如蛛網篆烟盤旋如密石如齊統越  
 縠縹緲從輕風鏡如懸錐莖如覆肝如神龍自  
 天而下凜乎雷雨之將至

過安莊至鎮寧

帶縮輕裘上偃坡棲霞漸近鬱嵯峨名通上國由

莊躋威播諸羅自伏波溪谷至今多瘴癘人煙到

處集繁壟為坎氣美口火少產壑洞奇西式一過



帶綰輕裘上偃坡  
棲霞漸近鬱嵯峨  
名通上國由

莊躋威播諸羅自  
伏波溪谷至今多  
瘴癘人煙到處  
襍藤蘿為欣氣候  
如秋杪華蓋洞名橋西試一過

### 飛來石佛

何年此地布金開  
珠絡篆香繞石臺  
豈為黔民猶近古  
故從西鷲忽飛來

### 喜客泉

客去咽泉聲  
客過泉聲響  
松風拂石臺  
明月自來往

### 馬場山行

始信天工巧  
重開一畫圖  
峰峰皆獨峙  
對對自相



扶絕壑藏麋鹿悲風咽鷓鴣傳聞龍井近淪茗訪

平蕪

威清有馬鞍山側為三清觀湯叶哩狗場對貴  
 州漢牂牁郡地阻山距江滇南門戶金筑螺擁  
 山白雲菴建文遜國至此題詩於壁左右有杉  
 木數章大者數圍小者合抱亦傳皆建文手植  
 郡東東山寺南銅鼓山每陰雨聞有聲如銅鼓  
 左棲霞右相寶為郡之勝境郭西沿溪流躡石  
 磴可五里許當礪砢疊嶂中一泓白石罅迸出  
 滙為方池每日潮汐無停通夜計之凡百次按  
 弇州錄名百刻泉一統志名靈泉府城內有王  
 文成先生祠黔書文成以救戴銑謫龍場驛丞  
 初至無室居東峰石穴即陽明洞也居久之忽  
 中夜大悟格物致知之旨若有人告之者乃以  
 默記五經之言證之莫不脗合因著五經臆說  
 今何陋軒君子亭玩易窩所書居易俟命字咸  
 在

三清觀



今何陋軒君子亭玩易窩所書居易俟命字咸在

三清觀

僊宇沉沉早閉關  
惟餘寒月滿千山  
獨憐萬里勞  
勞客靜聽黃庭一夕閒

黔陽懷古

羅施聲教阻遐方  
漢置牂牁達夜郎  
天入炎荒時

苦雨途經冷站夜  
無霜馬鞍觀側藏  
魚服即建文為劉指

揮書扁避跡  
白雲菴中  
銅鼓山頭祠竹王  
千古猶思丞相澤

祠堂松柏自蒼蒼

靈泉

天地運用奇晝夜  
刻盈百不減亦不增  
積時以成



日我來憩此泉靈異差彷彿一波爲之揚一波爲  
之抑若鼓橐籥然四時永不息朝暮合計之瀕洞  
剛百刻我欲問鴻濛其理渺難測苟非身所經傳  
聞尚疑惑乃知宇宙間物物關至極息壤不足奇  
海潮庶能匹

七夕前一日同友人集東山

時南旋

出郭靈崖異轟然越東泉躡蹬結群隊乘閒恣幽  
討高低起層閣紆曲通盤道披襟虛所受飛雲在  
其抱俗翳一以除蒼翠若可掃鵲橋亦難期清樽  
足傾倒

貴州里三十新安哨十覺哨二十甕城橋十里龍里驛三十衛近龍  
里有南明河河橫跨襄陽石橋每水響必火響  
愈久火愈熾然其響也遠則聞之近則無聲奇



其抱俗習一以除蒼翠若可掃鵲橋亦難期清鏡足傾倒

貴州三十里新安哨十里甕城橋十里龍里新驛三衛近龍里有南明河河橫跨襄陽石橋每水響必火響愈久火愈熾然其響也遠則聞之近則無聲奇甚過此有憑虛洞內多石笋又有石佛石繖石析石鐘之類而鐘與析擊之若金木聲焉再入洞益寬可容數百人內有石羅漢千秋田田皆細石界畫如畦又有石牀石舟可以臥遊水聲號號殆深不可測云

### 渡南明石橋

火炎上水潤下雨者相克不相借此間響應獨不

然元冥先驅祝融駕遠岸幾疑地軸翻近流惟見

波光瀉天地陰陽變幻奇蕭丘佛秣應非假蕭丘有寒

火佛秣有流金曲突徙薪雖有言不如廉吏反風息火回

造化



凌虛洞

洞自凌虛構非徒石佛奇泉聲通海眼笋勢礙雲  
峭巖竇忘昏曉蛟龍共護持忽傳鐘柝響聽罷笑  
還疑

其二

再進地稍寒盤桓與未闌鬚眉羅漢古牀榻野人  
安田有千秋業居惟百畝寬虛舟那可渡蓬海路  
漫漫

新添衛經玉杵觀上有觀音閣黔皆童山至此  
萬木蕭森令人作物外想舖十五里黃絲至僊人  
脫影處戴華陽冠側身策杖西行遠而彌真明  
巡撫郭子章題神留宇宙四字於高崖千尺之

上卽僊人張三丰像也三丰名猷羊城人一日  
閩人過武勝關越五里平府城西有高真觀爲三  
丰修真之所三丰少遇異人妻靜三十年出山



萬木蕭森令人作物外想  
脫影處戴華陽冠側身策杖西行遠而彌真明  
巡撫郭子章題神留宇宙四字於高崖千尺之

上卽僊人張三丰像也三丰名猷羊城人一日  
閩人過武勝關越五里平府城西有高真觀爲三  
丰修真之所三丰少遇異人棲靜三十年出山  
混俗補刑曹吏以劫囚獄遣戍平越入境忽浴  
於河沉溺不起明晨自水中出袖各司回文與  
解人令返解人探囊中原牒則已無矣始神之  
及居平越指揮張信待之厚曰吾爲汝父治葬  
地報汝慇懃命信負其父骨指一巖穴曰汝往  
擲之口中信入見石牛欲相啖懼而挂之角出  
以告三丰三丰曰封侯亦足矣後果以戰功封  
隆平侯亭前一池似石盂無源流終年澄泓不  
涸傍有桂樹一株已枯躡躡濯足於中人呵之  
曰吾爲汝活此桂乃掬洗足水澆之復茂至今  
猶存三百年故物也永樂中遣官徵聘竟莫知  
所之

### 玉杵關觀音閣

馬桑地名東去氣蕭森行盡童山見綠陰閣轉金輪



藏古刹關開玉杵動寒砧石壇低拂松風靜藻井  
潛棲鳥雀深鹿鹿征途思稅駕垂鞭猶自望旃林

題神留宇宙

丰神秀削傍嶺岈策杖猶簪羽士冠千尺懸梯鐫  
妙筆依稀僊影畫中看

高真觀

神仙常玩世往往善遊戲入水水不濡入火火不  
熾神龍翔九天首尾不全示遐哉張三丰鄉里傳  
聞異修真三十年辭侶試爲吏遣戍赴黔中躑躅  
衆所棄抵境浴河湄沉淪餘雙屣伍伯哀呼之叩

首復垂涕詰朝出層波各呈各已備原牒只空囊



聞異仙真三十年  
眾所棄抵境浴河湄  
沉淪餘雙屣伍伯哀  
呼之叩

首復垂涕詰朝出層波  
咨呈各已備原牒只空囊  
二使感且悸返服棲雲巖  
不食亦不寐時人始奇  
之隆平特相契念彼接待殷  
指示牛眠地身膺五  
等封振振子孫貴高臺俯青蒼  
平地蓄溶瀆秋風  
簷桂芬出自手所植一旦鶴書馳  
物色渺無際緬  
懷餐霞人不受浮名繫漢武  
非仙才徒為方士蔽  
稚川有遺言忠孝乃可致

平越五里葛鏡橋先是橋屢建屢壞明葛鏡刑  
牲醴酒禱於黎峩之神俄一人指曰有砥柱字  
處橋可成鏡覓得之蓋石紋所結也橋有聯云  
一二三番黔匠手百千萬載葛公心  
五里三番黔匠手百千萬載葛公心  
觀音坡老君關至重  
西連夔道南極牂牁

讀詩集卷二十八非征詩  
安江今設驛州典隆黃平  
西連夔道南極牂牁



重岡疊擁二水環流

葛鏡橋

傳說築橋日神人自此過石紋凝砥柱山勢接黎  
峩晝冥飛禽少江寒水怪多葛侯勲績茂安穩出  
風波

楊老道中和吳明卿韻

身命輕如葉砢砢百感生人從劔脊上路與雁行  
平日冷衣嫌薄風號語塞聲王陽倘過此回馭有  
同情

大風洞

漢使何年鑿凌虛起大風虎埋雲竇下龍吼日潭  
中鳥雀妻雛憑公多舞次空多十叩宋玉應天辛



同情

### 大風洞

漢使何年鑿凌虛起大風虎埋雲竇下龍吼日潭  
中鳥雀棲難穩松杉舞欲空多才如宋玉應不辨

雌雄

### 老君關

遙望黃平指顧間芭蕉零落滿空山  
此地芭蕉高丈餘荒

### 江峻嶺無人識誤認青牛函谷關

興隆二里飛雲巖柏林參天距地百餘尺中虛而下嵌乳液融結巖石空懸如鴟蹲如鳥革如驚濤激石如蒼龍挂而矯首如杉株帶雨溜痕奇不可狀澗下雙峰對起上有亭中藏王文成碑刻右為月潭寺可遊憩焉九里偏橋三衛在沅水西有石橋蜿蜒跨河上列市肆亦大觀也華巖十里秉炬方可行五里相黔書三重迭起途週三十里行者此以手招彼以口呼送響答

續書堂

詩集

卷二十八 北征詩

二



於咫尺而不知其如是之遙也五里腰鋪二十  
關勢險峻數十折有峽如門斗峭甲雞鳴遠  
府阻江依山不以城郭為固石屏山在郡後端  
直蒼潤如屏風鉅橋截兩山聳如天半彩虹心  
目到此一爽希有奇觀舟由此達洞庭溪山環  
帶水陸要衝

### 月潭寺

鴻濛闢異境千載任人探柏古雲為幄濤飛月作

潭尋幽惟恐盡餐勝不嫌貪尚有龍場刻高懸石

一龕

### 飛雲巖

白雲飛天上否亦在青山何由墮下地奔入巉岳

間愛此不飛去萬古常悠閒飄渺自卷舒看人勞

往還天開皇華道即此當雄關明霞錯萬疊清流

響一鸞魂魂寶重臣大士展慈顏五色空中見三



白雲升天，上否亦在青山，何由墜下，堪奔入巖，  
間愛此不飛去，萬古常悠閒，飄渺自卷舒，看人勞  
往還，天開皇華道，卽此當雄關，明霞錯萬疊，清流  
響一灣，巍巍寶蓮座，大士展慈顏，五色空中見，三  
島洞裏探，下方崇淨域，鐘磬越松杉，雨花繽紛墜，  
香霧氤靄含，飛雲如有悟，閒寂住靈巖，流連爲小  
憩，塵累盡可刪。

華巖洞

凌晨燃炬入，僮僕笑斯遊，洞挾孤雲宿，泉隨隙石  
流，人煙違白板，山寺隱紅樓，徙倚將亭午，鐘聲林  
外幽。

相見坡



相見坡三重起楚爲頭黔爲尾中間蜿蜒如龍身  
後者相呼前者唯人生聚散類浮萍安得追隨如  
鹿豕只疑上下隔層巒那識迢迢三十里

油榨關

雉堞排空古木齊  
逶迤百折馬頻嘶  
關前疊障風雲出  
峽裏開門日月低

讀書堂綵衣全集卷三十八止

讀書堂綵衣全集



讀書堂綵衣全集卷三十八止

讀書堂綵衣全集

河陽趙士麟玉峰父著

受業史可述輯

施發甲訂

男 宸黼編

卷二十九

北征詩 五十首

讀書堂詩集卷二十九 北征詩





鈎輶行爲苗民作

餘南河鈎輶爲苗民作



鈎輶行爲苗民作

黔南有鈎輶飛鳴異衆鳥苗民將無同侏儻亦未  
曉伊昔村姬浣河濱風飄巨竹來及身忽聞其內  
呱呱泣剖而視之兒尚存養成有力猛如虎叩關  
納欵臣漢武封以竹王鎮夜郎子孫盤踞西南土  
五溪百粵與峩岷種類無過貴竹紛自恃穴巢爲  
土著反輕編戶稱流人白苗青苗散林麓狎子龍  
子滿山谷更有剪頭及打牙狎獍狔爭馳逐九  
股八番不足奇牯羊毛艸傳聞疑白苗以下皆苗民疆宇  
天開原錯繡詎知此地襍華夷男子跳梁佩弩箭



鑕刀百煉光如電  
 婦女銀環婀娜粧  
 花裙繭扣瓊  
 扇舊和歌相合便  
 成婚何用蘆笙牛酒  
 陳大抵重  
 男不重女生女棄之  
 亦不嗔此輩性情同  
 犬豕一  
 言逆意抽刀起  
 跣足山椒疾若飛  
 叛服靡常擾邊  
 鄙

世祖開基崇建纛  
土司辦稅無苛條

今上寬仁同天地  
徭獞戴德安荒要  
吁噫嘻漢唐以來

多伐叛糧盡兵窮  
始革面莫如

天家簡循良一人  
可抵師百萬

鎮遠四里焦溪十里入湖南界  
 柘魚舖三十里清浪衛三十里見州驛  
 三十三里便水驛

焦溪

所入月可竟立  
 余其建毛也  
 三編鳥目  
 美空人  
 龍骨



天家簡從良一人可批留百真  
鎮遠四里焦溪十里入湖南界五里鮪魚舖三浪里衛三州里  
三十一里便蜈蚣關

### 焦溪

漸入湖南境平途異建瓴池偏鷗自集苔臥鹿曾  
經霽後琴書潤風前艸木腥回看曉發處高嶺逼  
青冥

### 晃州江行

雞鳴關外露初晞古驛寒原過客稀十里江聲隨  
上下漁舟過處鷓鴣飛

### 蜈蚣關

山行亦已久愛此興偏狂百折能爭秀一峰更獨  
蒼尋樵初得路代御自褰裳遙望江流外飛飛盡



鵠鵠

便水驛中舖三白茅舖沅州里本唐巫州地後改敘州嗜好居處頗似巴渝中經迴龍關至栗子關鳥道一線下臨蛟宮與人側足號呼路極紆折

由迴龍至栗子關

高閣勢嶒岷迴龍毋乃是輿人側足呼踐霜行  
岷鳥道俯蛟宮幽翳深無底澄江天際來望猶衣  
帶水大壑莽蕭蕭雙門蒼然峙上下如猿獠盤旋  
白雲裏亭午至關前雜坐久復起溪谷自迴環要  
非人所履風俗近巴渝幾家在山趾

鷓鴣

山行其聲斷續悽然有旅思焉

山靜人稀聲激越間關遊子妻魂魄岐途不慎成



非人可履屐作遊已消矣多不  
鷓鴣 山行其聲斷續悽然有旅思焉

山靜人稀聲激越間關遊子妻魂魄岐途不慎成

輒軻謝汝丁寧行不得

沅州並辰溪行羅舊驛道傍楓杉甚多高峰拔地啾啾鳥鳴與虛谷相應里盈四里公坪懷化驛道漸平過此雖無幽崖峻嶒而松林如薺綠色連岡縱矚靡涯又不覺悅心快目矣

### 羅舊驛

荆南卑濕甚晴煥異余聞鳥鵲隔林應辰沅一水分高峰仍拔地古木自藏雲舉網鱸魚美銜杯話

夕曛

懷化縣驛三里中舖三辰溪縣山本漢辰陽地為五溪之一縣南十里紫金山即名勝志大酉山也廣記云第十六洞天穴生雲母崖滴丹砂即此

續書堂

詩集

卷二十九北征詩

白



馬援嘗征之

船溪曲

四首

白鷺下沙洲山空翠入流洞中鷄犬靜更勝武林

遊

其二

亂石倚簷高懸崖結構牢若非神斧琢終挾五溪

飄

其三

紫洞乳頻滴蒼巖笋倒垂地中鞞鞞響江上海潮

隨

其四



隨

其四

潭邃晴飛雪山寒鳥倦啼肩輿渾欲却鼓棹出船溪

紫金山

辰溪曉渡萬松圍對對寒濤漱石磯欲訪西山探

秘笈紫金山下掩雙扉

尋二酉不得或云紫金山即是

辰州重岡複嶺控扼溪峒乃險要固塞之地也  
十里殺虎石二十里界亭四舖三馬底驛三  
驛辰州馬溺關關後有石下覆水滴成乳故名  
泉名亦如之今易為挂虹泉過關所經高坡如  
關者二一日青山一日白霧而青山坡尤高出  
馬底驛有芙蓉關馬鞍關亂石關而後至新店  
惟辰龍關最險峭由界亭至新店左山右水中  
通一道多樟櫟楓香之屬諺云四十八道水不



乾臨了又過馬鞍山此其地也

挂虹泉

月季花飛雪嶼紅靈泉却近七盤東行來石畔垂  
雲乳坐看天邊挂玉虹

芙蓉關

雄關迢遞白雲封鳥語如人過客逢雲鎖斷崖懸  
杵臼關銜殘雪簇芙蓉巉巖恍入巴江路秀削疑  
登華嶽峰過此漸平心目爽僕夫低唱楚歌從

馬鞍關

一天星斗正爛斑茅店雞聲促渡關客邸不知寒

曆盡計程纔到馬鞍山



一天星斗正爛斑茅店雞聲促渡關客邸不知寒  
曆盡計程纔到馬鞍山

亂石關

一關當亂石行李歎崎嶇秀異三山色奇排八陣  
圖霜侵寒月小木脫遠峰孤楚蜀多天險旌旗昔  
載塗

界亭

界亭風景足怡情下馬褰裳穿澗行四十八盤青  
未了春山一片畫眉聲

土人言春日  
多畫眉聲

辰龍關

一氣闢鴻濛劃然分宇宙位置出天然人力慙雕



鏤江河經其間奔騰鮮滲漏日星燦以繁手摘近  
 可就造化羞雷同高下異結構一水與一山各各  
 擅奇秀嗟此辰龍關雲中闕雙竇蜿蜒千里來復  
 向平沙走置足偶一欹懸綆不能救自古文章奇  
 無出天地右經歷萬里途皆余不恒覲險峭莫如  
 斯况聞虎聲吼

新店煙莊驛經將軍山有三楠對高大神所憑  
 依人不敢伐過陽氣橋遙望松原合沓連空氣  
 猶太古不可名狀其鳥則青絲畫眉白頭翁飛  
 鳴翔舞若笙簧徐敷再進兩山如束喬木千章  
 小橋流水亦自怡情桃澗里有桃川宮陶淵明  
 桃花園記即此或云洞在鳥頭村有溪為黃道  
 真釣魚處道真見桃花流水出捨舟入洞得聞  
 神仙秘訣然水甚淺又伏流恐不能泛桃花見

名勝志白馬渡本江名山夾江水雲奔石怒詳  
 袁中郎記畧桃澗驛無城郭荒涼若山村然為  
 漢元南縣也縣上有采菱亭



桃花園記卽此或云洞在魚頭村有溪爲黃道  
真釣魚處道真見桃花流水出捨舟入洞得聞  
神仙秘訣然水甚淺又伏流恐不能泛桃花見

名勝志曰馬渡本江名山夾江水雲奔石怒詳  
袁中郎記畧桃源驪無城郭荒涼若山村然爲  
漢沅南縣地縣非有采菱亭

### 楠對

楠對挺幽巖歷歲亦云古楚材世所珍不與樗櫟  
伍其一在層巔吐霧與雲煙蛟龍爲之守衆鳥不  
敢喧其一臨大道盤紆更天矯忽作風雷鳴天地  
忘昏曉其一近溪流倒擁如浮舟旁蔭十餘畝日  
月時淹留睠此明堂材肩隨復鼎峙般匪爾何之  
棄置空山裏

### 過陽氣橋望松原



讀書堂  
僊樂氤氳出翠微小橋流水萬松圍人間別自藏  
天地惟見青絲白羽飛

桃川宮

桃川宮外訪碑題古木參差苔蘚齊寄語後來問  
渡者仙臺縹緲白雲迷

桃花源卽事

夙讀桃源記因慕桃源景竭來訪仙踪不見洞門  
影雞犬寂無聲桑麻竟凋盡徘徊山澤間松風拂  
衣冷涓涓惟細流漁舟何以引豈其畏人知移家  
復遠遯我欲起淵明同泛桃花艇一醉逾千年顏

然猶未醒



復遠遯我欲起淵明同泛桃花艇一醉逾千年顏

然猶未醒

白馬渡

青帆隨岸行白馬臨江渡帆影挾雲飛江流觸石

怒

采菱曲

江水依丹嶂江楓點碧波至今江上女猶唱采菱

歌

桃源十四里河鄒溪二山不甚高上有太和觀前  
天門二後天門一觀外望大江中分為二縈繞  
若白練山有白雲洞為仙人張虛白醉臥處  
德麟即漢武陵郡本名義陵郡人聞義帝為項  
羽所弒皆編素高帝高其義故名義陵後改有  
招屈亭為楚左徒屈原建每端午揚桴中流以



角黍祭之今競渡所自昉也郡有五溪謂雄溪  
 楠溪西溪無溪一作巫一作舞辰溪見水經注  
 三龍驛其山蜿蜒如龍驛以此得名有陽山志  
 云陽山之女雲夢之神後因梁松廟食於上改  
 陽為梁三十一里新化驛本漢郡名後廢唐惟儼  
 禪師居藥山在驛之東十里渡繡水至此  
 曲折如繡見一統志過金鴨灘諺云金鴨灘頭  
 水彭山頂上雲所以占晴雨也至涇陽其地多  
 水水必有荷夏日竟行香風中抵澧州楚詞云  
 沅有芷兮澧有蘭又云捐余佩兮澧浦故澧州  
 名蘭江亦名佩浦

### 河狀山太和觀望江

天門遙望楚江開翠巘丹梯依碧苔豈是僊曹冬  
 幻術瑤臺截取二龍回

### 白雲洞

種木餐芝絕世氛玉京鸞鶴自為群  
 徻狂賴有崔



白雲洞

種木餐芝絕世氛玉京鸞鶴自為群  
佯狂賴有崔

婆酒長謝青山臥白雲

張虛白詩武陵溪畔崔  
婆酒天上應無地下有

藥山懷惟儼禪師

欲叩紫扉訪祖庭藥山東望萬松局  
至今猶誦香林偈雲在青天水在餅

陽山

陽山千古艷過客此停輪環珮懷江浦  
織濃異洛濱楚王蘭殿毀宋玉彩毫新  
薄暮靈旗動乘雲自絕塵

招屈亭



武陵名義動乾坤招屈亭前遺廟存目斷微波悲  
帝子情深芳艸憶王孫舳舻簫鼓中流競涕淚山  
川故國繁自古有才多不遇臨風釀酒暗銷魂

涪陽

金鴨乘流渡江豚鼓浪狂棹歌驚客夢明日是涪

陽

澧州

蘭浦曾捐佩名因屈左徒我來逢歲暮烟水隔菰

蒲

澧州順寧驛渡孫黃河四十一里張莊縣漢建安  
中昭烈為將軍居此時號左公以左公之所安

故名地甚荒瘠有青陽湖紀湖隄一作清港湖  
貴紀湖夏日花香襲人過此乃湖北界



澧州順寧驛渡孫黃河四里張莊漢建安中昭烈為將軍居此時號左公以左公之所安

故名地甚荒瘠有青陽湖紀湖隄一作清港湖貴紀湖夏日花香襲人過此乃湖北界

### 出順寧驛渡孫黃河

殘星辭驛去疲馬渡河行無雪松杉禿先秋蟋蟀

聞盛夏即聞蟋蟀見邑志荒烟迷斷澗寒旭慰孤征楚邑多

凋弊年來漸力耕

### 公安懷古

旌旗昔日駐河干一旅重興帝業難枳棘應非鸞

鳳意行人猶指是公安

公安過孱陵驛漢縣名五里普化嚨渡荆江荆州府東連吳會南通五嶺控扼巴蜀下瞰宛洛為吳蜀之門戶寰宇記羅含宅在江陵城西庾信亦居之即宋玉宅也昔王粲依劉表登樓



作賦宋陳堯咨更名仲宣樓

### 孱陵驛

孱陵原漢邑北望近青湖地曠叢生竹

姚合詩江村竹樹多

於帆輕半是蒲老槐嘶櫪馬古驛下饑烏投宿聞

歌舞荆南俗尚巫

### 昌雪渡荆江

沙邊水鳥自雙雙六出花飛獨倚窓誰解殘年將

盡日蕭蕭風雪渡荆江

### 荊州懷古十六韻

禹甸分荆土周疆建鄂都開基由篲路奮跡自桃

弧地肺千秋迥江聲三峽趨

地肺山名荊州有明月峽西陵峽空舫峽



禹甸分荆土周疆建鄂都開基由篳路奮跡自桃

弧地肺千秋迴江聲三峽趨

地肺山名荊州有明月峽西陵峽空舫峽

風煙通漢沔形勢控巴渝白虎雄關峻黃牛湍水

紆中原資鎖鑰帝業待馳驅作賦懷王粲行吟憶

左徒龍山嘉會散鶴澤舊園蕪

羊祜與賓客常遊此漸水樓

臺圯荒村環珮孤

明妃歸州人屬荆

客程忘歲月日暮泊

菰蒲西瀼詩人遠東湖勝概殊

西瀼杜子美所居東湖為一郡之勝

芳蘭傳九畹異橘產連珠

郡產合歡橘

聞曲知商女烹

魚問酒壚艱難思荆蜀感慨失吞吳玉洞多縹緲

香溪或有無明朝仍解纜寒色繞征途

### 章華宮



形勝依然據上流章華臺榭亦荒丘細腰宮女君

王寵環珮重來月下遊

荆州五里建四陽驛舖途有關壯繆祠蓋荆州舊戰地也麥城二里十團陵舖二州里荆州在萬山中有虎牙關亂石巉巖上合下空如虎牙重門之狀遠望山路惟見白線一痕州西有蒙惠二泉題詠甚多蒙山又名象山陸子靜號象山在江右之金谿今人誤指此山以文安嘗知荆門軍故耳

### 關壯繆祠

荆州一失阻雄風蘋藻何心廟祀崇滾滾寒濤流  
不盡千年猶繞永安宮

### 荆門山

峰迴徑仄見荆門木落猿啼欲斷魂忽憶杜陵野



荆門山

峰迴徑仄見荆門  
木落猿啼欲斷魂  
忽憶杜陵野老句  
萬山深處一孤村

虎牙關

甕牖漏晨曦  
僕夫將戒旦  
葛履陟繁霜  
短衣纔至  
駢念之中  
怳怳登降  
任其便  
行行虎牙關  
猙獰近  
欲竄逾時  
步始移  
忽退前  
之半  
青山臥白雲  
喬木俯霄漢  
淒淒猿嘯哀  
惻惻啼鳥亂  
策杖心魂驚  
何暇流青盼  
出險目猶眙  
溫言勸加飯  
臨深與登高  
遊子能無歎

遊蒙惠二泉



纔適蒙山又惠山清泉白石閉禪關迂途不憚馳

驅力攜得殘詩幾卷還蒙山舊刻遊人沈傅師五十七人詩惠山亦有玉蔬

詩

荆門州三耐一灑渡河望四山皆屯雲霧中似青螺搖搖水上躋山行或曰卽斑竹岡也唐韓翃送人赴江陵詩斑竹岡邊山雨暗枇杷門迥楚山秋是也鋪叶十五里麗石橋驛五十里麻樂鄉過新店河新店鋪道傷茅長丈餘春秋時包之入貢供縮酒之用其實自宜城而非茅皆可祭祀見名勝志

石橋驛

遙望大隄近西風吹客襟危橋橫岸直遠岫入江深乞火鄰雞亂窺魚水鶴尋長歌多激楚易感故

鄉心

王竹岡



深乞火鄰雞亂窺魚水鶴尋長歌多激楚易感故

鄉心

斑竹岡

昨經斑竹岡前雨今踐包茅山下霜行盡荒村四

十里輕舟蕩漾又斜陽

新店舖宜四城對縣其地出美酒乃金沙泉所造孟浩然詩宜城多美酒歸與葛疆游今泉久湮酒頗惡咽十里峴山村望隔江煙對如畫羊叔子墮淚碑猶存東鹿門山即龐德公孟浩然之隱居地也又有昭王廟韓昌黎詩猶有國人懷舊德一間茆屋祭昭王

夜泊宜城驛

竹葉宜城釀停舟卽挈餅那知酒味惡翻使枕函醒江月穿窓白漁燈隔浦青麗譙頻擊柝永夜不



堪聽

峴山懷羊太傅

煙巒高枕大江邊  
墮淚碑看百尺懸  
路鎖雲霞猶

突兀對連襄郢  
自芋綿輕裘儒雅  
吳儂服醇酒功

高晉業全祐聞有掩襲吳人  
計者輒飲以醇酒  
參佐從遊多感慨不

知此地待公傳

龐德公墓

載酒來登高士丘  
襄陽耆舊幾人留  
鴻飛海外辭

劉表龍臥山中識  
武侯廬舍已荒繁  
蔓草妻孥無

恙樂田疇千秋魂  
魄長依此月朗風  
恬策杖遊

弔孟浩然書壁

鹿門自昔容高躅  
為方襄陽蜀步天  
可其行衣冠



志樂田疇千秋魂魄長依此月朗風恬策杖遊

### 弔孟浩然書壁

鹿門自昔容高隱為訪襄陽獨步來古墓近依流

水曲孤亭遙對夕陽開郡城有孟亭夕陽館為浩然建平生翰墨

留勲績半世功名付酒杯韓會荐浩然因飲酒失期促之竟不赴朝謁

嘯傲園林猶不足掛帆南去訪天台見浩然詩

峴山隴里襄郡志云南極湘潭北控宛洛為郢郢門戶與江陵為唇齒無襄陽則江陵受敵古蹟難以枚舉名人題詠亦多  
抵樊城仲山甫之國也二里新舖三里黃機舖野五  
入河南界

### 文選樓以下古蹟十首

玉軸牙籤萬卷樓操觚染翰盡名流欲裁偽體歸



讀書堂  
風雅漢魏兼將六代收

習家池

種竹栽花賓客隨風流競讓習家池  
烟巒不改當年色無復山公白接羅

銅鞮坊

魚龍騰湧大江西城堞參差對影迷  
估客愁看山月夜楚人猶唱白銅鞮

讀書堂綵衣全集卷二十九止

讀書堂綵衣全集



讀書堂綵衣全集卷二十九止

讀書堂綵衣全集

河陽趙士麟玉峰父著

受業吳階芝輯

江朝宗校

男宸黼編

卷三十

北征詩八十五首





解佩浦

翠翹未及遇工實不是相虞定各申忍七



解佩浦

翠翹珠被遇江濱不是湘靈定洛神  
忽化彩雲歸絳闕空遺雜佩在風塵

夫人城

女隊如雲解用兵桃花馬上甲裳輕  
只疑娘子提軍出那識夫人築壘城

檀溪

高帝曾孫龍種同英雄未遇歎飄蓬  
一從躍馬檀溪去王業三分指顧中

沉碑潭



何煩立石與沉波陵谷遷移奈若何惟有文章真  
不朽我懷武庫酌山阿

仲宣樓

寒鴉衰柳滿汀洲去國懷鄉羈客愁不見良禽能  
擇木栖栖江表獨登樓

孟亭

交情夙昔慕金蘭疊石開池召故歡應是烟霞綠  
未盡手攜詩卷出長安

新野

驛亭連楚豫懷古步蒼苔鬢屯兵地荒涼議事

臺颺颺綠竹上鳧雁掠波迴不遇徐元直焉知命

世才



驛亭連楚豫懷古步蒼苔髮鬢屯兵地荒涼議事

臺巖巖綠竹上鳧雁掠波迴不遇徐元直焉知命

世才

新野沙澗里淺水平莎時見鷗鳧迴翔上下  
八里有范少伯故里烟柳白光武舊宅張衡所  
謂龍飛白水也渡河社八驪鄧禹昔嘗居此  
里中舖府三山水盤紆丘原膏沃世稱陸海

范少伯故居

辭宛遊於越能師七策奇五湖煙水外何處問鴟

夸

過光武舊宅

川嶽鍾人傑孤村此中去聲與昆陽摧大敵滄水讓

先登望郭傳佳氣占禾卜瑞徵當年回玉輦欵曲



遍春陵

途經瓦店有懷高密侯而作

杖策非圖仕興王在一言

禹謁光武首以延攬英雄務悅民心進光武用

之遂有天

功名垂竹帛童叟繞車幡舊里風烟古

孤村鳥雀喧護羗聲望著

禹子訓為護羗校尉能得將士心後封侯

不愧清門

過南陽和韓昌黎韻

南陽古帝里烟對尚葱菁清水流無盡雙丸去不

停

南陽出郭西南行即臥龍岡有武鄉侯祠祠前建坊大書昭烈皇帝三顧處一碑鐫前後出師

表後一樓顏曰諸葛書院梅村鏹即曹操望梅止渴之所對驛博為火燒曹兵處

人追而道召烈三顧處



停

南陽出郭西南行卽臥龍岡有武鄉侯祠祠前  
建坊大書昭烈皇帝三顧處一碑鐫前後出師

表後一樓顏曰諸葛書院梅村鱣卽曹操望梅  
止渴之所對驪博爲火燒曹兵處

### 臥龍岡題昭烈三顧處

炎漢失威靈群雄起涿鹿武侯王佐才長吟振山  
谷管樂非其倫十畝躬耕足感茲三顧恩馳驅願  
自勗厥後屢出師摧吳魏亦衄豈忘隆中言重待  
天人卜譬如魯仲尼棲棲在川陸稔知道莫宗猶  
冀周京復聖賢將無同總爲蒼生役

### 題梅林

平疇曠野幾人家過客遙聞噪暮鴉部曲已隨猿  
鶴化空山何處望梅花

續書堂

詩集

卷三十一 北征詩

四



博望三十里神廟有光武廟廟前古柏二株凌霄花附緣其上花如盂開時與柏對相映駐馬想望者久之二十里昆陽安驛三丈人止子路宿處對縣里本楚邑有觀龍亭即葉公畫龍處雙鳧觀葉令王喬每朔望詣闕惟見雙鳧從東南來命太史網得之乃雙鳧即帝所賜郎官履也野五為子路問津及沮溺耦耕處墳其下澠水所經昔光武破王邑王尋兵風雨大作澠川盛溢虎豹戰慄不能鬪即其地也岷埋西姜子牙故里襄城本鄭地周襄王避叔帶之難出適鄭居此故名襄城北有徐君墓徐君欲季札所佩劍而不言季札使鄭還徐已死因挂劍墓上而去關外白雲寺日暮行速未暇遊也

### 裕州光武廟作

光武少年稱謹厚絳衣大冠起南畝群雄以次盡來歸削平禍亂陟元后武功赫濯文德敷授戈講

藝延名儒典章釐定文物修規模自與三代符建

武以來千餘載裕州遺廟依然在祠中古柏勢參



來歸削平禍亂陟元后武功赫濯文德敷授戈講  
藝延名儒典章釐定文物修規模自與三代符建  
武以來千餘載裕州遺廟依然在祠中古柏勢參  
天光如青銅色如黛上有凌霄附之開盤空交結  
何時栽下有流泉甘且冽滄茗看花不忍回緬彼  
雲臺諸將士攀龍附鳳亦如此此花或是舊精魂  
化作瓊枝護階砌不然艸木易摧殘何爲與柏長  
相倚

題丈人止子路宿處

丈人有高風延客惟雞黍飄然去不留矯矯真鴻  
舉



言書堂  
翫龍臺有感

美玉混砥砭良苗亂稂莠所恃含靈姿秉鑑庶無  
負葉公好畫龍傳翫亦已久一朝真龍翔見而棄  
之走好似不好真越哉此楚叟相士必文章相馬  
必牝牡毋乃掇其皮兩者奚以剖今人鮮真知毀  
譽任衆口滔滔長若斯沈尹不足咎

遊雙鳧觀

簿書多鞅掌惟爾獨稱仙飛鳥雲中去乘鳧日下  
旋苔沾新雨露花繞舊山川何事玉棺降人民失  
此賢

經問津處題壁

雅志事田疇高風嗣巢許不見耦耕人惟見問津



此賢

經問津處題壁

雅志事田疇高風嗣巢許不見耦耕人惟見問津處

泚川

霜刀貴善藏屢用則已缺所以謹厚人率師摧大敵至今泚水涯猶見旌旗色帝業自此基豈徒虎豹慄王尋豎子耳縱死膽猶裂

子牙故里

遇合原非易如公寄跡奇青山藏策畧白雪映鬚眉終慰蒼生望真成帝者師驅車經故里還憶賣



漿時

徐君墓

季子高風動古今回車仗劍特來尋當時宗社猶

輕擲肯為純鈞易此心

襄城三門塞四十五里禹州即禹之都城內有禹王廟東關外四十五里地名石固禹所生地也西關箕山為巢由隱居之所北關潁水即其洗耳處子房進履石公亦在此圮橋之趾尚存

題周八士墓

河洛鍾人傑周廷藉羽儀孳生千古少元愷未為

奇

登禹州城樓望箕山潁水

神禹開基此建都茅茨應不改前模赤珪已啟明

堂瑞

禹發石匱山得赤珪 曹瓦空分券國守 明封嶽



登禹州城樓望箕山潁水

神禹開基此建都茅茨應不改前模赤珪已啟明

堂瑞禹發石匱山得赤珪如日白珪如月碧瓦空分勝國符明封嶽王於此

今碧瓦尚存潁水依然滎郭外箕山兀突枕城隅追思

洗耳高踪遠懷古登臨興不孤

圮橋懷古

借箸興王業青編圮上逢囊椎何激烈進履自從

容佐命師黃石辭封訪赤松至今遺址在流水尚

淙淙

禹州新鄭縣古鄩國也道傍多棗柿有溜青風景至此復見山雖尋丈亦具巖壑之勢溱洧有廣惠橋卽子產濟人處子產墓在西南五野具茨山一名大隗山黃帝登此山受神芝圖於黃



蓋童子上有軒轅避暑洞二十五里至鄭店驛古  
高辛氏火正祝融之墟周初封管叔於此後爲  
鄭國滎澤里

古鄆曲

厭山復見山蒼翠沾衣袂風俗近青淄道傍垂棗  
柿

廣惠橋

欲免涉者寒遂令涉者載桃李垂街衢昔人頌遺  
愛

望具茨山

淑氣何磅礴升高望具茨階庭生屈軼山塢訪神

芝四相隨朱輅千官擁翠旗受圖與鑄鼎千古至

今疑



淑氣何磅礴升高望具茨階庭生屈軼山鳩訪神

芝四相隨朱輅千官擁翠旗受圖與鑄鼎千古至今疑

過鄭州和王摩詰韻

朝從新鄭過暮抵故鄭宿積雪被林臯蹇驢度平陸

滎澤

瀕河茅舍盡多局漢帝東巡玉輦經傳昔虎賁能

命中啞啞鳥鳥墮青冥漢明帝東巡至滎澤有飛鳥翔集命虎賁王吉射中

之賜錢二百萬至今亭堡多畫鳥

滎澤望廣武山乃楚漢交戰處有敖山即所謂敖倉也十里渡黃河岸二十里冀鎮三十里新鄉縣



謁湯廟三衛 衛 府 左孟門右太行南濱大河西壓上黨地最衝要

### 廣武寓目

平原落日莽蒼蒼廣武山前舊戰場氣結龍文成  
五采巢人猶不解興亡

### 渡黃河

茅舍飄沉沙岸奔操舟欲渡已驚魂灘聲直挾魚  
龍走水勢真令日月昏伐竹自宜勤漢使乘槎未  
易遡河源

聖朝欲採宣房議砥柱何人慰

### 至尊

### 謁湯王廟

巍巍遺廟在新鄉不著戎衣武自揚萬國共求尊



至尊

聖朝欲採宣房諱砥柱何人慰

謁湯王廟

巍巍遺廟在新鄉不著戎衣武自揚萬國珙球遵  
曆服千秋俎豆走冠裳黃河斜抱孤城曲嵩嶽遙

連古殿蒼自昔君臣稱一德喬柯西向望空桑

衛輝城南有魏襄王墓晉初有人發塚得竹簡書十餘萬言世號汲冢書十里比干墓樹鯉頓有蘧伯玉墓其縣里古沫縣又號朝歌城南有殷三仁故里十里斯脛河有摘星樓

汲冢

汲郡南行卽寢園翩翩風雅異朱軒壙中疇肯藏  
青簡怪爾偏留十萬言

比干墓



龍逢異姓臣梅伯疎逖士三代重宗親殺身自公  
始草木有餘榮山川擅厥美但悲燔臺亡不惜剖  
心死

過蘧伯玉墓

衛國多君子如公自足依問年餘服政行事早知  
非矰繳能防患風塵善息機車聲猶隱隱時度白  
雲扉

朝歌戲詠

顏淵不宿去墨翟驅車返碌碌天涯客馬瘖僕人  
蹇

三仁故里

曾於青史識三仁里巷滿字欵驚真冬龍平驚飛



顏淵不宿去豈看馬車迹  
礙礙天沙客息鼎傳人  
蹇

三仁故里

曾於青史識三仁里巷  
猶存欲薦蘋麥隴乍驚飛  
雉起不過故國已沾巾

斲脛河

濁水迷離過客哀  
燐燐鬼火映蒼苔  
朝歌未輟糟

丘樂一片旗飛太白來

淇縣五里淇水澄泓噴薄不異昔時而竹種已絕無一存者惟見有斐君子一碑而已高村鏗宜三溝十驛魏文帝幸洛道病有師巫愈之因名宜師溝驛本之為子貢故里有祠像墓在五里外

淇水

淇水悠悠駕楫遊  
穹碑突兀傍松楸  
菁菁綠竹無



遺種瓠子空沉璧馬愁

過子貢故里作讚一章倣庾開府體

泰山是瞻檜里攸憩四友才優六瑚品貴與聞性

天出遊曹衛世慕縱橫我懷政事

宜溝驛十里龍井昔孫登寓此有龍病疽求治  
日痊當有報不數日大雨石中裂一井以報之  
十里信陵君救趙處二里扁鵲墓相傳墳土可  
療人病或得小丸如丹劑二里嵇紹墓隔四里  
許有侍中祠三里湯陰縣卽蕩陰岳武穆故里  
東關有銀瓶小姐廟十里羗城卽羗里亦曰牖  
里十五里鄧禹杖策追光武處二十里彰德府

龍井

神龍裂石泉相報亦何巧攬轡就松風如聞鸞鳳

嘯

孫登隱蘇門山善嘯作鸞鳳之音

言凌雪效道處



神龍裂石泉相報亦何巧攬轡就松風如聞鸞鳳

嘯孫登隱蘇門山善嘯作鸞鳳之音

信陵君救趙處

公子威名早軼倫邯鄲一戰破強秦趙王郊迎去聲  
平原拜不負夸門擊柝人

扁鵲墓

古墓道傍橫往往得丹劑擇術不庇身高名人所

忌扁鵲為人所妬刺死於此

嵇侍中墓

樛枝古榦漾寒暉血濺山龍死視歸何若王哀終  
不仕蓼莪一讀一沾衣



湯陰謁岳鄂王廟

挽弓三石復能文  
伏臘猶傳賽祀殷  
志欲揮戈回漢日  
心期傳檄定燕雲  
黃龍未共諸君飲  
青簡終書第一勲  
石馬夜嘶靈旆動  
居民如見岳家軍

題銀瓶小姐廟

玉骨萎荒烟  
銀瓶墜深井  
遙憐年未笄  
忠孝千秋炳

姜里

防水湯湯牖里迷  
玉門演易此羈棲  
天王明聖孤臣罪  
猶自殷勤獻洛西

鄧禹杖策追光武處

彩鳳由來愛羽義  
良禽亦自羣  
兼支書主丈策成



臣罪猶自殷勤獻洛西

### 鄧禹杖策追光武處

彩鳳由來愛羽儀良禽亦自擇巢枝書生杖策成

### 王業想見風雲會合時

彰德控齊秦之地跨燕趙之都沃野千里為天下要古西河地也城西四十里有銅雀金虎水井三臺並峙銅雀乃曹操所築操臨終命施德帳使宮人歌吹帳中望吾西陵西陵操之葬地也十里草橋鋪二十五里磁州鎮出磁石有鼓山亦名滏山滏水出焉其水冬溫夏涼泉源奮湧若釜之揚湯故名即山海經所謂滏水出神菌之山者也

### 彰德卽事

此邦稱沃土文教賴前賢碑自徐陵識徐陵使陳歸有問非

朝人物者陵曰惟韓陵一片石耳乃溫子昇所作碑文也臺從魏武傳花鈿沉



廢殿玳瑁委寒煙

玳瑁樓石虎建

天籟冷然發如彈綠綺

絃

郡有天琴亭

### 銅雀臺

銅雀蒼涼薜荔垂漳河猶自水淪漪英雄氣短施

疑塚兒女情長設總帷鑾殿秋風迷鳳輦玉階春

艸泣蛾眉西陵歌吹空遺令惟見牛羊度隴遲

磁州過去十餘里夾岸皆楊柳道左荷池稻陸間之香風襲襲冬月過此聞土人稱述猶有餘

慕里南二里中舖舖入北直界邯鄲里古趙國北門有叢臺遺址趙王如意溫明殿在焉關內有

蘭相如同車處二十里呂仙祠設盧生像正黃梁夢熟時也臨洛驛

### 除夕漫賦

處處桃符換方知是歲除關山萬里外燈火獨愁



梁夢熟時也  
臨洛驛

除夕漫賦

處處桃符換方知是歲除  
關山萬里外燈火獨愁  
予

元日旅寓

天涯同客指名場何必離思說  
異鄉得得驢蹄前路遠蕭蕭劍影暮雲涼  
纔辭家累肝腸淨又數春風歲月忙  
今日屠蘇應有異牀分上下倒壺觴

又

年年此日北堂遊  
獻罷椒花自勸酬  
那識驅車當獲鹿  
不遑放鵠共扶鳩  
太行蜿蜒晴光繞  
瀛海蒼茫霽色浮  
遙憶仙湖春景麗  
銀幡彩勝自悠悠



邯鄲懷古

邯鄲古趙國驛路近幽燕歌舞叢臺廢溫明遺殿  
懸才人挾瑟去公子合符旋座上多珠履何如魯  
仲連

又卽景

黃梁舊邸駐征軺好夢從心乞一宵銅鼓忽迎神  
女笑竹枝高唱雪兒妖鰲頭夜月燈花滿人面春  
桃繡帶招閑裏不知誰是客南雲回望憶漁樵

藺相如回車處

爲國回車避路岐深心未許舍人知一言足令將  
軍死千古交情青史垂

呂嬰司



蕭相如回車處

為國回車避路岐  
深心未許舍人知  
一言足令將

軍死千古交情青史垂

### 呂僊洞

僊人控鶴昔曾經  
何事丹青塑殿庭  
塵世盧生能有幾  
黃梁炊盡總難醒

臨洛過冉伯牛墓沙河五里沙地順德府依山

憑險四方之衝城外有豫讓橋十五里公孫杵  
曰程嬰藏孤處射隱

### 冉伯牛墓

賢哲誰能免斯人  
墓道過叢蘭與芣苢  
終不萎山

阿昔人以叢蘭比顏  
子芣苢比伯牛

### 月下經沙河



詩言堂  
古  
月色將升路尚賒  
村墟歷盡幾人家  
溟濛烟樹渾  
難辨一帶河聲走白沙

豫讓橋

義士思酬國士恩  
橋邊突出馬狂奔  
解衣三躍真  
知己地下猶懷襄子言

嬰臼藏孤處

獵獵英風艸木寒  
立孤死節兩賢安  
同心幸有韓  
司馬左右忠貞力更難

京隱店二十里郭巨墓耐丘縣本漢中丘地有  
馮唐故里灤洲程子華苓塞鄉子華名本孔子  
友五里張耳陳餘練兵處十里田氏紫荊里  
野州三縣漢高縣地光武卽位於此

馮唐故里有感

玉簫獨吹  
一言也  
奇計畢思  
尋巾  
寺節  
上  
言



馮唐故里漢程子華苓塞鄉子華名本孔子友五里張耳陳餘練兵處十里田氏紫荊里  
尹村三縣漢瀋縣地光武卽位於此

### 馮唐故里有感

玉輦過郎署一言契合奇拊髀思將帥持節出胥  
靡苔蘚綠習井牛羊下舊陂馮公能薦士白首未  
為遲

### 苓塞鄉

野外初傾蓋俄聞贈帛行長歌懷蔓草因見古人  
情

### 張陳練兵處

秣馬思重戰塞旗復合圍何如廝養卒獨馭武臣  
歸



過田氏紫荆里

田家有荆對倏枯復倏榮榮枯問何術友于感菁  
 英人生七尺軀所重在倫紀父母天地心賢愚無  
 異視兄弟苟相戕親憂何時已雍容鮮間言歡逾  
 酌酒醴友朋與夫婦可合亦可離不如我伯仲少  
 長恒肩隨所以古君子黽勉事友恭採藥亦可去  
 食薇亦可從何為一尺布斗粟不相容

鄆縣漢光武卽位處

自是唐兒後杜牧詩光武紹高祖本系出唐兒唐姬子也何煩赤帝符  
 風雲開紫極河嶽拱皇都振旅軍威盛授戈文教

敷中興諸將帥攀附一時趨

柏鄉里十五里王莽城十五里趙州遊柏林寺觀吳道子



自是唐貞後系出唐兒唐姬子也 何知赤帝符

風雲開紫極河嶽拱皇都振旅軍威盛投戈文教

### 敷中興諸將帥攀附一時趨

柏鄉里十五里王莽城十五里趙州遊柏林寺觀吳道子  
畫水至今州人善畫水是遺耳十四里觀音院  
店李左車故里水河三里樂城二里定府古鮮虞國  
面滹水背恒山左瀛海右太行當燕趙之衝雄  
於河朔

### 吳道子畫水

妙手吳生獨擅場柏林古壁畫滄浪潺湲水勢疑

崩屋足盡嘉陵一日長

### 李左車故里

左車籌畫素多奇解縛反為敵國師堪惜成安無

遠畧空餘泝水遶山陂



真定登陽和樓

間關萬里一羊裘纜上陽和寒漸收日抱滹沱樓  
影直雲開恒嶽對光浮長途渺渺逾殘臘短劍蕭  
蕭歎蒯緱欲訪山中劉白墮兼餘明月慰離憂

真定有趙雲故里  
焮對五里伏城驛三十里即  
漢新市有麥飯亭十三里黃石公修道處二里  
杜太后故里  
餽城三  
明  
十月  
店  
定  
州  
紀  
漢  
中  
山  
郡

趙子龍故里

偶憩順平里雲封順平侯重思遇敵時一身都是膽遂

立漢中基

伏羲墓

古對槎枒立奇峰虎豹蹲卦臺今已圯惟有墓門

子



伏羲墓

古對槎枿立奇峰  
虎豹蹲卦臺今已圯  
惟有墓門存

麥飯亭

天遣河水合君臣  
得脫歸抱薪炊麥飯  
對竈燎戎衣大對聲  
名異雲臺事業稀  
臨風懷將相端不尚  
輕肥

黃石公祠

子房報國匿塵埃  
忍死吞聲天地哀  
博望沙中力士去  
穀城祠下石公來

宋杜太后故里



高曹自是女中英母範先傳杜后名夾馬營中香  
氣繞濯龍端坐慶昇平

紀信城

孤城遙望自孱顏一死身名重泰山縱有韓彭百

戰力不如誑楚走秦關

定州文廟有雪浪石蘇東坡得之恒山刻銘于  
上三十三里清風都縣堯始封於此非有堯山南有  
堯母池一作堯母鄉達饑店二陘陽驛保定府

雪浪石

石古瑩如雪峰奇細若濤襄陽具簪笏下拜敢辭  
勞

堯母池

立馬也曼曼女寸寸行山色月雲也六重也



勞

### 堯母池

立馬池邊望故村太行山色白雲屯赤龍已兆伊

### 耆瑞鉤弋空沿堯母門

保定府隋清苑也三關重地博爽塏十里溝  
十縣安有左伯桃墓定三興十里城四碑十里過張  
 桓侯故里村中至今多張氏子孫又經祖村士  
 雅故居也十里涿州漢涿縣地以涿水故名亦  
 曰涿鹿黃帝擒蚩尤處有樓桑村一作昭烈幼  
 時所居有督亢陂華陽館陂即燕所繪圖以獻  
 秦皇者館即太子丹與樊於期置酒出美人奇  
 馬處也非關外大石橋有鐵篙乃王彥章古跡

### 左伯桃墓

殘碑剝落見孤墳羊左交情曠代聞

羊角哀即伯桃併糧與衣

使之適楚者

一死一生真不愧後人猶作絕交文



詩書堂  
張桓侯故里

虎將如君早建麾我來桑梓起追思風雲自幸逢  
先主勲業終難免健兒涿水人烟依故里蜀城伏  
臘走行祠英雄未雪東吳耻惆悵斜陽奠酒卮

祖村

挈家竟去范陽城欲靖中原擊楫行翼戴已無劉  
越石何人堪與共雞鳴

樓桑村

道左樓桑今已枯少年竹馬此馳驅幢幢枝葉如  
車蓋得似粉榆舊日無

黃帝擒蚩尤處



車蓋得似粉榆舊日無

### 黃帝擒蚩尤處

揆文奮武昔兼修軒后猶聞營衛周豈俟占星傳  
素女自能掃霧破蚩尤山前艸木驚猿鶴野外旌  
旗拂斗牛後世銷兵不樂戰反疑青史事多浮

### 華陽館

求得荆卿欲報秦華陽鐘鼓且紛陳綠楊影裏嘶  
良馬紅燭尊前出美人七首寒光搖日月歌聲慷  
慨動星辰夜闌忽聽鄰家笛壯士衝冠恨未申

### 王彥章鐵篙

涿鹿風清道上平鐵篙猶見石橋橫一生節烈無



人識此事翻留身後名

彦章嘗云豹死留皮人死留名

涿州縣二十里疏新河三十里盧溝橋建於金明昌初壯麗甲南北盧溝本桑乾河亦曰渾河又曰小黃河居京師八景之一三十里抵彰義門萬里之行始得稅駕喜可知也

盧溝橋

禁城初啟曉蒼蒼回首滇南路渺茫共道

皇都春色早盧溝橋上月如霜

讀書堂綵衣全集卷三十止



讀書堂綵衣全集卷三十止











讀書錄卷之三十一











